



Xavier Pascual Santiesteve, secretari accidentau deth Conselh Generau d'Aran,

CERTIFIQUI:

Que segontes Decret de Sindicatura num. 0450/2023, de 8 d'agost, s'a adoptat era següenta resolucion, era còpia literau dera quau ditz:

“Vista era prepausa dera òbra deth Conselhèr de Promocion Economica, Comèrç e Mobilitat deth Conselh Generau d'Aran, ena quau se da compde deth besonh de realizar eth contracte eth contracte d'òbres de “*Mielhores foncionaus deth refugi de Saboredo*” pes motius que seguissen:

1. Ei de besonh dispausar d'un banh sec adossat ara edificacion actuau deth refugi.
2. Voluntat d'adequacion des installacions electricas e d'aigua.
3. Eth besonh de reformar era codina deth refugi.

Vista era provision de Sindicatura ena quau se demane informe per part dera Secretaria Generau e dera Intervencion de Hons.

Vist er informe favorable de Secretaria.

Vist er informe dera Intervencion de Hons sus eth percentatge que supause era contractacion en relacion damb es recorsi ordinaris deth pressupòst vigent, as efèctes de determinar er organ competent entà contractar.

Visti eth Plec de clausules administratives particulars redactat.

Cossent damb eth certificat favorable d'existència de crèdit adequat e sufisent dera Intervencion de Hòns, eth finançament des òbres a contractar ei previst ena aplicacion pressupostària num. 2023/01.170.632.11 deth pressupòst generau vigent entar exercici 2023.

Cossent damb çò que dispausen es articles 13, 25, 28, 116, 117, 118.1, 122, 159 e Disposicion addicionau tresau.2 dera Lei 9/2017, de 8 de noveme, de Contractes deth Sector Public, se prepausa ath Conselh de Govern aprovar eth Plec de clausules administratives particulars, er expedient de contractacion atau coma era licitacion simultanèa des òbres nomentades, en tot tier en compde qu'era adopcion d'aguest acòrd ei competència deth Conselh de Govern, en vertut des delegacions efectuades peth Sindic d'Aran, mejançant Decret de Sindicatura num. 0326/2023, de 22 de junh [pendent de publicacion en diaris oficials].

È RESOLVUT:

PRUMÈR.- Aprovar iniciaument eth Plec de clausules administratives particulars qu'a de regir era contractacion des òbres d' “*Mielhores foncionaus deth refugi de Saboredo*”, plec que s'adjunh coma annèxe en expedient e que demorarà a disposicion des persones





Conselh Generau d'Aran

fisiques e/o juridiques interessades, atau coma era despena corresponenta ad aguesta contractacion per un pressupòst totau de cent cinquanta un mil setanta nau euros damb cinquanta centims (151.079,50 €) IVA includit, damb eth desglossament següent:

- Cent vint-e-quate mil ueit cents cinquanta nau euros damb nau centims (124.859,09 €) en concèpte de valor estimat o pressupòst net e,
- Vint-e-sies mil dus-cents vint euros damb quaranta un centims (26.220,41 €), en concèpte d'IVA ath 21%

DUSAU.- Aprovar er expedient entara contractacion des òbres d' "*Melhores foncionaus deth refugi de Saboredó*", mejançant procediment dubèrt simplificat, damb tramitacion ordinària, cossent damb çò previst enes art. 28, 116, 117 e Disposicion addicionau tresau dera LCSP.

TRESAU.- Dispausar era dubertura deth procediment dubèrt de contractacion, en tot procedir ara publicacion der anonci de licitacion en perfil deth contractant, en tot daurir en aguest moment eth tèrme de vint (20) dies naturaus entara presentacion d'aufèrtes, cossent damb çò que dispause er article 159.3 LCSP.

QUATAU.- Facultar era Sindica d'Aran, en nòm e representacion deth Conselh Generau d'Aran, entara signatura de quanti documents publics e/o privats siguen de besonh tà her efectives era tramitacion e execucion des acòrds anteriors."

E, entà qu'atau cònste ar efècte oportun, signi aguest certificat d'orde e damb eth visteplatz dera Sindica.

Vielha, signat electronicament

Vist e platz
Era Sindica

Maria Vergés Pérez